

通行 兩廣并廣州肇慶桂林三府盜賣倉庫  
糧料一百石銀五十兩布一百疋綿花一百斤  
以上者充軍

一件處置邊儲事成化十三年七月內戶科等衙門  
右給事中等官彭序等該刑部等衙門左侍郎等  
官杜 等題

准通行兩廣布政司及廣州肇慶桂林三府今後遇有腹裏  
地方曾經調集軍馬去處官吏軍民人等盜賣倉  
庫糧料一百石銀五十兩布一百疋綿花一百斤  
以上者等發究問明白監追完日照例發遣充軍  
若盜賣糧料銀兩布疋綿花不及前數者俱照見  
行事例發落

比例通行兩廣成化二十年正月又有例通行天

下此可革

侵盜民間預備倉糧滿貫為民調衛不滿貫照  
常例發落

成化十六年 月 日都察院為公務事戶部咨本  
院會同各部都察院太子太保吏部尚書等官尹  
等議該提督廂門等閑兼巡撫山西地方都察院右  
副都御史何 題一件修舉荒政以禦災切惟洪武  
年間州縣衛所各置倉廩積貯有法出納有時雖有  
旱澇之災民無飢饉之患

皇上嗣位屢下

明詔修舉荒政凡州縣官考滿赴部俱開具倉廩實數  
以憑點陟立法非不嚴且密也柰何所在非人累不  
加意近因延歷所屬查得各州縣預備倉糧多者數  
千石少者二三百石甚至倉廩枵然全無顆粒詢其